


ARTE PROIEKTUAK GAUZATZEKO BEKEN DEIALDIA 2023 ESTUDIO LAGAPENAREKIN

EPEA: OTSAILAK 1 – EKAINAK 30 2023



1

FUNDACIÓN BILBAO ARTE FUNDAZIOAK, kultura indartu eta arte sormena bultzatzeko duen grinan, BILBAO BIZKAIA KUTXA BBK FUNDAZIOAREKIN elkarlanean arte proiektuak gauzatzeko ondorengo beka deialdia argitaratu du.

Fundación Bilbao Arte Fundazioaren ezaugarriak direla eta (honen instalazio teknikoak eta lantalde profesionala) deialdira aurkezten diren proiektuek Bilbao Artek eskaintzen dituen baliabide eta aukera tekniko nahiz profesionaleri probetxu ateratzeko egokitasuna azpimarratu nahi da.

Zentzu honetan, Fundazioko ekipamendu tekniko eta bertako teknikoen aholkularitza eta kolaborazioa erakusten duten proiektuek Bilbao Arte Fundazioaren instalazio nahiz lantalde profesionalaren beharra erakusten ez duten beste artisten proiektuekiko lehentasuna izango dute.

Ondorioz, Egoitza beka aktibo hauetan bereziki baloratuak izango dira euren aurkezpenean Teknologia berriak, Media Lab, Eskultura eta Serigrafia eta grabatuko lantegien erabilera jarrai bat dokumentatzen duten lanerako egitasmoa eranstean dutenak.

(Web orrian Bilbao Artek artisten zerbitzura jartzen dituen teknologia eta bitartekoei buruzko informazioa kontsulta daiteke).

GAI INTERESGARRIAK

- Beka hauek jasotzea ez da bateraezina mantenua, dietak, bidaiak edo Bilbao Bizkaia Kutxa BBK Fundazioaren beka barneratzen ez dituen bestelako gastuentzako jaso daitezkeen bestelako diru laguntzekin. Artista laguntza jasotzen den epean Bilbotik kanpo egotea esdatzen duten egonaldi artistikoak baztertuak gelditzen dira.
- Laguntza hauen izaerak arte plastikoekin harremana duen edozein diziplina barneratzen du, bakarkakoa nahiz taldekakoa, deialdi honen epeen barruan gauzatua izango den konpromisoa izango duelarik.
- Edozein arrazoi dela egonaldiaren epean proiektua amaitzeko konpromisoa betetzen ez bada Fundación Bilbao Arte Fundazioak honen inguruan egokia iruditzen zaion erabaki bat hartzeko eskubidea gordetzen du. Erabaki hau apelaezina izango da.
- Deialdi honetara ibilbide artistiko eta akademiko sinesgarri bat bermatzen duten edozein adin eta jatorriko pertsonak aurkeztu daiteke.
- Azken urtean beka jaso dutenak deialditik kanpo gelditzen dira.
- Bekaren iraupena 5 hilabetekoa izango da, 2023ko otsailaren 1etik ekainaren 30ra arte.
- Estudioa eta laguntza ekonomikoa lagatzeaz gain, beste artistekin etxebizitza partekatuetan ostatua eskatu ahal izango zaio Bilbao Arte Fundazioari, bekaren iraupenaren barruan eta kostu gehigarririk gabe. Lekuak mugatuak dira.

2

EPAIMAHIA

Proiektuen aukeraketa Fundazioak honetarako hautatutako epaimahai batek egina izango da. Epaimahai honen osaketa Fundación Bilbao Arte Fundazioaren web orrian publikoki ezagutzera emango da honen erabakiaren publikazioa baino lehen. Honen erabakia apelaezina izango da.

BEKAREN BALDINTZAK

Beka hauek diru laguntza bat aurreikusten dute, Bilbao Arte Fundazioko aldi baterako lagatze espazio baten erabilerarekin batera.

Estudioen lagatze beka ez du soilik espazio hauen erabilera eskubidea ematen, zentroak produkzio lantegi ezberdinetan dituen gainontzeko azpiegiturak erabiltzeko aukera ere ematen du.

Bilbao Artek, bere instalazio ezberdinen erabilera errazteaz gain (web orria bisitatu Fundazioaren ekipamendu zehatza ikusteko), tailer ezberdinetako lan-talde teknikoaren partetik, behar tekniko ezberdinen aurrean, erantzun eta lagunduko den aholkularitza zerbitzu bat ezartzen du.

Gehienez 10 beka iragarriko dira. Bekadunek estudio bat izango dute eta honetaz gain produkzio gastuetarako 2.500,00 €.

BEKA JASOTZEN DUTEN PERTSONEN (FISIKOA EDO JURIDIKOA) KONPROMISOA.

Lagatze espazio / Estudio bat egokitzeak proiektua gauzatzeko onartutako epearen barruan honen erabilera jarrai bat suposatzen du.

Justifikatu gabeko ez egoteak eta/edo emana izan den erabilerarako estudioaren aprobetxatze faltak espazio eta diru laguntza honen galera automatikoa eragingo du.

Baliogabetze honek era berean **Bilbao Bizkaia Kutxa Fundazioak** babestutako materialen erabilerari uko egitea suposatzen du, espazioaren erabilera uzteko momentu arte materialetan jaso den diru kopuruaren itzulerarekin batera.

Beka jasotzen duten pertsonak zera hitzematen dute:

1. Bilbao Arte Fundazioaren arautegia bete.
2. Beka gauzaten den epean eguneroko bizilekua Bilbo inguruan eduki.
3. Proiektua garatu eta bere lana indartzeko Fundazioak eskaintzen dituen tutore eta aholkulariekin elkar eragin.
4. Proiektuaren lan edo pieza adierazgarri bat Bilbao Arte Fundazioaren bilduma publikora lagatzea, jasotako laguntzaren ordainetan.
5. Ateak Zabalik Jardunaldien inguruan programatutako jardueretan parte hartzea (talde-erakusketa, proiektuen aurkezpena, etab.) eta egoitzaren amaieran urteko memoria egiteko materialak aurkeztea.
6. Egonaldiak ikus-entzunezko lan baten ekoizpenarekin zerikusia badu, Bilbao Arte izena kredituetan agertu beharko da
7. Bilbao Arteko ekipamendu eta espazioak erabiltzeko baldintzak onartu (webgunean eskuragai).

Oinarri hauek betetzeak artistak Fundazioak produziturik 2024. urtean antolatuko diren 3 (gehienez) bakarkako erakusketen aukeraketa prozesuan parte-hartzeko baimentzen ditu. Erakusketa hauek, obra produkzioa, inaugurazio, promozio eta zabaltze gastuak eta artisten ordainsariak aurreikusten dituzte.

AURKEZTU BEHARREZKO DOKUMENTAZIOA

1. Garatu behar den proiektuaren dosierra, ondorengo atalekin:
 - Izen-emate fitxa.
 - 30 lerrotan laburtutako proiektuaren azalpena.
 - Bilbao Arteko instalazio eta baliabideen erabileraren kronograma.
 - Aurkezten den proiektuarekin harremana duten aurretik egindako lan, irudi eta bozetoak.
 - Merezimendu akademikoak eta profesionalak dituen Curriculum.
2. Proiektuaren ulermena erraztuko duten edozein motako dokumentazio grafiko osagarria, katalogoak, bozetoak edo egokiak izan daitezkeen irudiak.

4

ESKAEREN AURKEZPENA

Dokumentazioa horrela aurkeztuko da:

- Posta elektronikoko bitartez: PDF artxibo bat (10 Mb. gehieneko) bidaliz convocatorias@bilbaoarte.org helbidera, gaian eskatzen den bekaren modalitatea adieraziz.

Eskaera guztiak oinarrien publikaziotik 2022ko urriak 30era bitarte (hau barne) bidaliko dira. Bidalketak, egun bereko 23:59ak arte onartuko dira.

PARTE-HARTZAILEEN IRUDI ESKUBIDEAK

Parte-hartzaileek Bilbao Arte Fundazioaren espazioetan informazioa zabaldu edo sustatzeko hartutako irudietan (argazkia, bideoa, etabar.) agertu daitezkeela onartzen dute, hau dela eta hauen erabilera baimentzen dute, agerikoak diren salbuespenekin eta bere ohore eskubidearen kontra erasoak izan daitezkeen erabilerekin, maiatzak 5eko 1/1982 Lege Organikoa, Ohore Eskubidea, Intimitate Pertsonal eta familiarra eta Irudia Beraren Babes Zibilaren terminoetan izendatuak.

Aurretik aipaturiko eremutik kanpo eginiko beste edozein erabilera baimen honetatik espresuki kanporatua gelditzen da.

DATU BABESA

Parte-hartzaileek deialdi honetan emandako datu pertsonalak Fundación Bilbao Arte Fundazioaren titulartasuna duen fitxategian gehitzea onartzen dute, helburu horretarako Bilboko Urazurrutia kaleko 32. zenbakian helbideratua, deialdi hau kudeatzeko helburuarekin.

Sarrera, zuzenketa, indargabetze eta oposizio eskubideak bilbaoarte@bilbao.eus helbidera zuzenduriko posta elektronikoko bidez gauzatuko dira, *sarrera eskubideak* gaiarekin eta datuen titularrak sinaturiko gutun bat atxikirik. Jakinarazpenetarako helbide bat adieraziko da, NAN edo antzeko egiaztagiri baten kopiarekin batera.

OINARRIEN ONARPENA

Parte-hartzaileek, deialdira aurkezte hutsarekin, oinarri hauek onartzen dituzte.